

სახელმწიფო შესყიდვის შესახებ ხელშეკრულება №394/2019

ქ. თბილისი

“20” სექტემბერი 2019 წ.

ერთის მხრივ საქართველოს გარემოს დაცვისა და სოფლის მეურნეობის სამინისტროს ს.ს.ი.პ – სურსათის ეროვნული სააგენტო (შემდგომში „შესყიდველი“) წარმოდგენილი სააგენტოს უფროსის მოვალეობის შემსრულებლის გიორგი იაკობაშვილის სახით და მეორეს მხრივ, შპს „გიპროექტი“ (შემდგომში „მიმწოდებელი“) წარმოდგენილი მისი დირექტორის გივი მერებაშვილის სახით „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს!“ ქვეპუნქტისა და „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული წესის მე-2 მუხლის „ა“ ქვეპუნქტის საფუძველზე, გამარტივებული შესყიდვის საშუალებით, დებენ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) – „სახელმწიფო შესყიდვების შესახებ“ საქართველოს კანონისა მოთხოვნათა საფუძველზე, შემსყიდველ ორგანიზაციასა და მიმწოდებელს შორის დადებული, მხარეთა მიერ ხელმოწერილი ხელშეკრულება, მასში მინიშნებული ყველა თანდართული დოკუმენტით;
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ნაკისრი ვალდებულებების სრული და ზედმიწევნით შესრულებისთვის;
- 1.3. „დღე“, „კვირა“, „თვე“ - კალენდარული დღე, კვირა, თვე;
- 1.4. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. ხელშეკრულების საგანს წარმოადგენს სსიპ სურსათის ეროვნული სააგენტოს მიერ სამოქალაქო მშენებლობისთვის სამუშაოების სახარჯთაღრიცხვო მომსახურების (CPV71322100) შესყიდვა;
- 2.2. შესყიდვის ობიექტი გულისხმობს, სსიპ სურსათის ეროვნული სააგენტოს კასპის რაიონული ოფისის სარემონტო სამუშაოების წარმოებისათვის საჭირო ხარჯთაღრიცხვისა და ნახაზების მომზადებას;

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 2000 (ორიათასი) ლარს;
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული სამუშაოს გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა შესაბამის გადასახადებს;
- 3.3. ხელშეკრულების დაფინანსების წყაროა - სსიპ სურსათის ეროვნული სააგენტოს მიერ, ეკნომიკური საქმიანობიდან მიღებული საკუთარი შემოსავლები.

4. მომსახურების გაწევის ვადები და ადგილი

- 4.1. „მიმწოდებელმა“, მომზადებული საპროექტო-სახარჯთაღრიცხვო დოკუმეტაცია, სრულყოფილი და დასრულებული სახით უნდა წარმოუდგინოს „შემსყიდველს“ ხელშეკრულების გაფორმებიდან არაუგვიანეს 7 (შვიდი) სამუშაო დღის განმავლობაში;
- 4.2. შესყიდვის ობიექტი მოწოდებული უნდა იქნეს შემდეგ მისამართზე - ქ. თბილისი, მარშალ გელოვანის № 6, სსიპ სურსათის ეროვნული სააგენტოს ადმინისტრაციული შენობა.

5. მიღება-ჩაბარების წესი

- 5.1. შესყიდვის ობიექტი ჩაითვლება მიღებულად (მიწოდებულად) მხოლოდ შესაბამისი მიღება-ჩაბარების აქტის გაფორმების შემდეგ;
- 5.2. შემსყიდველის მხრიდან მიღება-ჩაბარების აქტზე ხელს აწერენ მის მიერ შექმნილი კონტროლის განმახორციელებელი ჯგუფის წევრები.

6. ანგარიშსწორების პირობები

- 6.1. “მიმწოდებელთან” ანგარიშსწორება განხორციელდება ეროვნულ ვალუტაში, შესაბამისი მიღება-ჩაბარების აქტის გაფორმების შემდეგ;
- 6.2. ანგარიშსწორების ფორმა იქნება – უნაღდო;
- 6.3. ანგარიშსწორება განხორციელდება 10 სამუშაო დღის განმავლობაში, მიღება-ჩაბარების აქტის გაფორმებისა და სათანადო საგადახდო დოკუმენტების შემსყიდველისთვის მიწოდების თარიღიდან.

7. მხარეთა უფლება-მოვალეობები

- 7.1. შემსყიდველი უფლებამოსილია ნებისმიერ დროს შეამოწმოს მიმწოდებლის მხრიდან ხელშეკრულების პირობების შესრულება;
- 7.2. „მიმწოდებლის“ მიერ, ხელშეკრულების პირობებით განსაზღვრული ვალდებულებების შეუსრულებლობის შემთხვევაში, „შემსყიდველი“ უფლებამოსილია თვითონ მიიღოს ზომები ხელშეკრულების პირობების შეუსრულებლობით გამოწვეული დეფექტებისა და ხარვეზების გამოსასწორებლად და მოსთხოვოს მომწოდებელს შესაბამისი ხარჯების ანაზღაურება;
- 7.3. შემსყიდველი ვალდებულია გადაიხადოს გაწეულის მომსახურების ღირებულება ხელშეკრულების პირობებისა და ვადის გათვალისწინებით;
- 7.4. მიმწოდებელი უფლებამოსილია მოსთხოვოს შემსყიდველს მიწოდებული მომსახურების ღირებულების ანაზღაურება ხელშეკრულების პირობებისა და ვადის გათვალისწინებით;

8. მიმწოდებელი ვალდებულია:

- 8.1. წინამდებარე ხელშეკრულებით დადგენილი პირობების შესაბამისად განახორციელოს მომსახურების მიწოდება;
- 8.2. იმ შემთხვევაში თუ პროექტისა და ხარჯთაღრიცხვის სათანადო წესით ჩაბარების შემდეგ, შემსყიდველის მიერ, წრამოდგენილი პროექტის საფუძველზე მიმდინარე სამუშაოების წარმოების პროცესში გამოვლინდება პროექტირებისას გაუთვალისწინებელი პირობები, ან გამოვლინდება პროექტირების სხვა სახის ხარვეზი - მიმწოდებელი ვალდებულია საკუთარის სახსრებით გამოასწოროს ყველა ნაკლოვანება და ხარვეზი.

9. ხელშეკრულების შესრულების კონტროლი

- 9.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს სსიპ სურსათის ეროვნული სააგენტოს თანამშრომლები: პაატა მაისაია და დავით ბაქრაძე;
- 9.2. ხელშეკრულების პირობების შესრულების კონტროლის განმახორციელებელი პირ(ებ)ის ფუნქცია მისაწილებელი ან/და მიწოდებული მომსახურების მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგნა;
- 9.3. ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე;
- 9.4. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისთვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები;
- 9.5. ყველა გამოვლენილ ნაკლოვანებათა აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

10. გარანტია

„მიმწოდებელი“ იძლევა გარანტიას, რომ მის მიერ, გაწეული მომსახურება იქნება ხარისხიანი და მომსახურების ამ სფეროში მოქმედი სტანდარტების შესაბამისი.

11. პირგასამტებლო ხელშეკრულების პირობების შეუსრულებლობისავის

11.1. „მიმწოდებლის“ მხრიდან ხელშეკრულების არაჯეროვნად შესრულების შემთხვევაში, „შემსყიდვებს“ უფლება აქვს დააკისროს „მიმწოდებელს“ პირგასამტებლო არაჯეროვნად შესრულებული ვალდებულების ღირებულების 0,02 %-ის ოდენობით ყოველ კონკრეტულ შემთხვევაზე;

11.2. ხელშეკრულების 4.1. პუნქტით გათვალისწინებული პირობის დარღვევის შემთხვევაში, „შემსყიდვებს“ უფლება აქვს „მიმწოდებელს“ დააკისროს პირგასამტებლო ვადაგადაცილებით გაწეული მომსახურების ღირებულების 0,02 %-ის ოდენობით, ყოველ ვადაგადაცილებულ დღეზე;

11.3. ხელშეკრულების პირობების შეუსრულებლობის შემთხვევაში, მიმწოდებლს დააკისრებ პირგასამტებლო ხელშეკრულების ღირებულების 10%-ის

11.4. თუ ხელშეკრულების 11.1. და 11.2 პუნქტებით გათვალისწინებული პირგასამტებლოების თანხა გადააჭარბებს ხელშეკრულების ჯამური ღირებულების 1%-ს „შემსყიდვებს“ უფლება აქვს ცალმხრივად შეწყვიტოს აღნიშნული ხელშეკრულება;

11.5. პირგასამტებლოების გადახდა არ ათავისუფლებს მიმწოდებელს მირითადი ვალდებულებების შესრულებისაგან;

11.6. ხელშეკრულების 6.3. პუნქტით გათვალისწინებული ანგარიშწორების ვადების დარღვევის შემთხვევაში, „მიმწოდებელს“ უფლება აქვს დააკისროს „შემსყიდვებს“ პირგასამტებლო ასანაზღაურებელი თანხის 0,02%-ის ოდენობით ყოველ ვადაგადაცილებულ დღეზე.

12. ხელშეკრულებაში ცვლილებების შეტანა

12.1. ხელშეკრულების ნებისმიერი ცვლილების/დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

12.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა;

12.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების არსებული ჯამური ღირებულების 10%-ზე მეტი ოდენობით;

12.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შეწყვეტა

13.1. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

13.3. თუ შემსყიდველისათვის ცნობილი გახდა, რომ მიმწოდებელი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას, შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ;

13.4. ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან;

13.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14. დაუძლეველი ძალა

14.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დუძლეველი ძალის ზეგავლენით;

14.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შეუსრულებლობით გამოწვეული პასუხისმგებლობისაგან;

14.3. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

15. ხელშეკრულების მოქმედების ვადა

ხელშეკრულება მოქმედებს მისი ხელმოწერის მომენტიდან 2019 წლის 30 ნოემბრის ჩათვლით.

16. სხვა პირობები

16.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

16.2. ხელშეკრულება შედგენილია ქართულ ენაზე, ელექტრონულად.

შემსყიდველი

მიმწოდებელი

ს.ს.ი.პ. – სურსათის ეროვნული სააგენტო	შპს „გიპროექტი“
ს/კ: 205 142 200 მის: ქ. თბილისი მარშალ გელოვანის გამზ. N6 ტელ: 291 91 67. სახელმწიფო ხაზინა ბანკის კოდი: 220101222 ა/ა – 200122900	ს.კ. -232585271 მის: ქ. კასპი, ცოტნე დადიანის ქ. №26 მომსახურე ბანკი: ს.ს. „საქართველოს ბანკი“ ბ.კ. – BAGAGE22 ა.ა. – GE64BG0000000859321300
სააგენტოს უფროსის მოვალეობის შემსრულებელი გიორგი იაკობაშვილი	დირექტორი გივი მერებაშვილი

მოამზადა: სახელმწიფო შესყიდვების სამმართველო

03-ქუსტ

შეთანხმებულია: საფინანსო-ეკონომიკური დეპარტამენტი

ქ. ქუთაისი
გ. მ. გ. გ. გ.

იურიდიული დეპარტამენტი

ქ. ქ. ქ. ქ. ქ.

ადმინისტრაციული დეპარტამენტი

ქ. ქ. ქ. ქ. ქ.

ბ ე ლ წ ე რ ი ლ ი
ინტერესთა კონფლიქტის არარსებობის შესახებ

ჩვენ, ქვემოთ ხელის მომწერნი ვადასტურებთ, რომ შპს „გიპროექტი“-ს მიმართ ვაკმაყოფილებთ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს.

სსიპ სურსათის ეროვნული სააგენტოს უფროსი

იურიდიული დეპარტამენტი

საფინანსო-ეკონომიკური დეპარტამენტი

ადმინისტრაციული დეპარტამენტი

სახელმწიფო შესყიდვების სამმართველო